

## 夜 讀

八二

萬籟俱靜，室友亦已酣眠，唯簾外偶聞蟲鳴唧唧，豈與余心有戚戚焉？蓋貪此良辰夜色，不忍就寢乎？余以謂知音難求，不意有此蟲兒與余相契相伴，善哉！是夜將不寂寞矣。遂引燈讀於窗下。

暮春三月色，好風輕拂，夜涼如水，置身其中，如沐清泉，乃為之神清氣爽也。手持卷，方吟哦於唐詩宋詞之際，舉首遙望，但見湛藍蒼穹，萬里無雲，而皓月當空，綴繁星點點，縹緲深邃遙不可及。後主詞云：「晚涼天靜月華開。」誠此月夜乎？然所謂「明月樓高休獨倚」蓋望月易發人思情，信矣！今觀此皎月，不禁撩我黯鄉之情，而念吾母平安否？杜甫謂：「共看明月應垂淚，一夜鄉心五處同」，臆南方之親人蓋亦思余耶？

噫！每夜讀輒觸無限感懷，或思親或憶友，是夜之幽閑易發人愁緒乎？余既愛夜之靜謐，復又怨夜之易引人思懷，情之為物不亦怪哉？望窗外疏落芭蕉，映如練月華，余閤書默禱：「但願人長久，千里共嬋娟。」